

## Buletineko gaiak:

- |                                 |                     |                                 |
|---------------------------------|---------------------|---------------------------------|
| 1. Haurtzaro Ikastolaren eguna  | 4. Elkartasun azoka | • <i>Etapetako informazioa</i>  |
| 2. Alexia plataforma familetara | 5. Kongori laguntza | • <i>Beste informazioa</i>      |
| 3. Gurasoentzat tailerra        |                     | • <i>Buletinaren eranskinak</i> |

## Berri orokorrak

### 1.- Haurtzaro Ikastolaren eguna bihar

Bihar, larunbata ikastola eguneko ospakizuna eguna izango dugu eta guztia prest edukitzeko kontuan har itzazue mesedez ondorengo oharrak:

#### **1.1.-Ohar garrantzitsuak:**

Arrazoiren batengatik, bereziki eguraldi txarragatik, Ginkana bertan behera geldituko balitz Webgunean eta Sare Sozialetan argitaratuko dugu albiste 7:15ean. Ordu horretan berririk ez badago, egingo dela ulertuko da.

OHAR BEREZIA: **Ginkanako irteerako eremua** parte hartzaileentzat izango denez beste guztiei eremu **horretan ez sartzea** eskatzen zaizue.

#### **1.2.-Ginkanan parte hartuko duzuen ikasleentzat**

- **Ekarri beharrekoak:** Bizikleta, Kaskoa, Uretan ibiltzeko arropa (Neoprenoa baldin baduzue ekarri), Sandaliak edo uretan ibiltzeko oinetakoak (oinetako zahar batzuk izan daitezke).
  - Eguzkia bada eguzkitako krema emanda etorri behar duzue
- Ginkana 8:00ean hasiko den arren taldeak minuturo aterako dira. Ikasleei geletan adierazi diegu zein orдутan atera behar duten eta 5 minutu lehenago prest egon behar dute irteera lekuan. Ordua errespetatzea eskatzen zaizue.

#### **1.3.-Ginkanan lanean parte hartuko duzuen gurasoentzat**

- Txaleko Reflektante bat ekarri behar duzue
- **7:30ean frontoian elkartuko gara**
- Frontoian elkartzean adieraziko zaizue egin beharrekoa



## 2.- Alexia plataforma familetara

**Alexiarako sarbidea egitea gogorarazi nahi dizuegu familiei.** Orain probetan gabiltza, baina etorkizun hurbilean Alexia izango da familia eta ikastolaren arteko komunikaziorako tresna nagusia eta beraz guztiak bertara sartu ahal izatea ezinbestekoa da. Haurtzaro Ikastolako webgunean, "Alexia, familientzako gidak" atalean aurki ditzakezuen bideo tutorialen bidez, egin beharreko pausu guztiak argi azalduta dauzkazue eta azaldutako pausuak burutu ahal izateko laguntza ere eskainiko zaizue **ekainaren 5ean 8:00 – 10:00 bitartean, informatika gelan**. Saio hau egoki bideratu ahal izateko parte hartzaileen kopurua aldeztu aurretik jakin nahi dugu, idazkaritzan adieraz ezazue parte hartzeko asmoa baduzue.

## 3.-Kontsumobide, gurasoentzat tailerra

Epe laburrean LH eta DBHko ikasleek Kontsumobidek eskaintzen duen **kontsumo prestakuntza ikastetxeetan** programan parte hartuko dute. Programa honen barruan Kontsumobidek gurasoei zuzendutako kontsumo gaiari buruzko prestakuntza tailer bat ere antolatu du. Honen helburua gurasoei seme-alabekin kontsumo arduratsurako jarraibideak sortzen laguntzea da.

Saioan parte hartzeko beharrezkoa da izena ematea eta buletin honetan eta webgunean aurkituko duzue horretarako aukera eta bertan Ludoteka-zaintza zerbitzua behar duzuen adierazi behar duzue. Epea ekainaren 6a amaituko da. Parte hartzera gonbidatzen zaituztegu.

Zuen bertaratzea errazteko, saioa eskolako ordutegiz kanpo izango denez, KONTSUMOBIDEK 2 eta 10 urte tarteko umeentzako ludoteka zerbitzua eskaintzen dizue. Ludotekarako umeen kopurua itxia da, gehienez 10 haur egon daitezke. Inskripzioen hurrenkeran onartuko dira.

Gaia: **BIDEOJOKOAK. BA AL DAKIZU ZER DAGOEN JOKOAN?**

Noiz: **Ekainaren 13an**, asteazkena

Orduetgia: 14:30etatik 16:00etara.

Lekua: Teknologia gelan

Oharra: Kopuru minimoa biltzen ez bada ezingo da tailerra bideratu.

Kontsumobide eta Kontsumo Prestakuntza Ikastetxeetan programa hobeto ezagutzeko:  
**[www.kontsumobide.eus](http://www.kontsumobide.eus)**

## 4.-LH6ko ikasleen gonbidapena: Fibrosi kistikoa dutenen egoera hobetzen lagundu

Haurtzaro ikastolako LH 6.mailako ikasleak gara eta EKI-ko 2. unitateko gure proiektua ARNASA (Gipuzkoako Fibrosi Kistikoaaren Elkarte) laguntzean datza. Horretarako Ikastola egunean **“Elkartasun azoka”** postua jarriko dugu. Helburua **beharra dutenenganako kontzientziazioa lantzea, informatzea eta horretan eragitea da gure hondar alea jarriaz.**

Zuek ere lagun dezakezue gehienbat arnas eta digestio-aparatuan eragiten duen gaixotasun sendaezina duten pertsonen egoera hobetzen. **Zatoz ekainaren 2an Ikastola egunera eta pasa ARNASaren aldeko elkartasun postutik!** Eskerrik asko zuen laguntzagatik!

## 5.- DBH3ko ikasleen eskaera: Kongoko egoera hobetzen lagundu

DBH 3. mailako ikasleak gara eta Geografia eta Historiako arloari dagokionez, 3. ebaluazioko proiektua ALBOAN gobernuz kanpoko erakundearen kanpaina batean parte hartzea da. Helburua mugikor zaharrak edo erabiltzen ez direnak biltzea da, telefono horiek dituzten mineralak birziklatu eta lortutako diruarekin Kongo ekialdean ALBOANek dituen proiektuak laguntzeko.

Zuek ere lagundu dezakezue Kongoko egoera hobetzen. **Ekarri zuen mugikor zaharrak edo erabiltzen ez dituzuenak, ekainaren 4tik 14era, ikastolako idazkaritzara.** Eskerrik asko zuen laguntzagatik!

Informazio gehiago Haurtzaro Ikastolako web orrian: <https://www.haurtzaroikastola.eus/node/2348>

## Haur Hezkuntzako berriak

### 1.- HH 2. mailako ikasleen irteera ekaina 8an

Datorren ostiralean, ekainak 8, HH 2. mailako ikasleak Gurutzera doaz egun guztirako. Beraz, ikasle bakoitzak bere bazkaria eta edaria ekarri behar du. Ibilaldiaren zati bat oinez egingo denez, oinetako eroak ekarri behar dituzte, bisera eta eguzkitako krema

Eguraldi txarra eginez gero gelan bazkalduko dute.



## Lehen Hezkuntzako berriak

### 1.- LH1. mailako ikasleen irteera ekainaren 4ean

Datorren astelehenean, ekainak 4, LH1. mailako ikasleak "Cristina Enea" parkera joango dira hainbat tailer egitera, naturaren gaiaren lanketaren osagarri moduan. Egun guztirako ibilaldia denez, ikasle bakoitzak bere bazkaria eta edaria ekarri behar du.

## Derrigorrezko Bigarren Hezkuntzako berriak

### 1.- DBH 4. mailakoentzat oharra

Aurtengo ikasturtean DBH 4. mailakoak diren eta ikastolan beste seniderik ez duten ikasleek gutun bat eraman dute aste honetan guraso bileraren deialdia eta txostenarekin. Gaia: Bazkide ez aktibo izateko aukera.

### 2.- DBH 3 eta 4. mailakoentzat oharra, *familia harrera*

Bilbo Handiko Lauro ikastolak, UEMAK eta Eusko Jaurlaritzak elkarlanean proposatutako proiektu pilotua da "Familia harrera" egitasmoa. Honen helburua inguru erdaldunetako gazteek euskaraz bizi diren eremuak ezagutzea da, eta beraien inguruan euskararen erabilera areagotzeko saiakera egitea. Horretarako, Lauro ikastolako 30 gaztek UEMAKo kide diren udalerrri euskaldunetan astebete pasatzea nahi da. Modu horretara, ikusiko dute badirela euskaraz bizi diren herriak, eta posible dela etxean, kalean eta, batik bat, lagunartean euskaraz aritzea.

Ekainaren 22tik 30era egingo da aurtengo proba eta parte hartzera animatzen diren familiek izen-emate orria bete beharko dute horretarako DBH3 eta 4. mailan banatu den oharra erabiliz.

Edozein zalantzaren aurrean, jar zaitezte kontaktuan ikastolako DBHko ikasketaburuarekin edo izen-emate orrian dagoen telefonora deitu.

## Eskolaz kanpoko ekintzen berriak

### 1.-2018/19 ikasturterako eskolaz kanpoko ekintzen informazioa

Datorren ikasturteko eskolaz kanpoko ekintzen txostena asteartean banatu zen. Izen emate epea ekainaren 7a arte izango da.

Tximeleta eta Sasaki lagunak ekintzetako eskaintzaren informazioa erantsi dizuegu buletin honekin.

## Buletinaz aparteko informazioa

### 1.- Oiartzun Kirol Elkartearen deialdia

Oiartzun Kirol Elkarteak entrenamenduak antolatu ditu datorren ikasturtean futboleant aritu nahi duten ikasleentzat Ugaldetxoko futbol zelaian. Jarraian dituzue mailak, egunak eta ordutegiak.

**LH 5 neskak/mutilak**

**Eguna:** Ekainak 6

**Ordua:** 18:30ean

## Buletinaz aparteko eranskinak

- Ipuin kontaketa ekainaren 14an, (HH2-LH2)

### Gurasoentzako tailerrean parte hartuko dut/dugu

**Ikaslearen izen abizenak**.....**maila:**.....

**Gurasoaren izen abizenak**.....

**Kontakturako telefonoa**.....

**Zaintza zerbitzua erabiliko dugu bai**  **ez**

**Idazkaritzara eraman ekainaren 6a aurretik**

